



9. marts 2012

UPA2012/65

Inatsisartut Suleriaasianni § 33 naapertorlugu apeqquteqaat aallaavigalugu oqallisissiaq imaattoq matumuuna saqqummiuppara:

**Kalaallit ilinniagaqartut, ilinniarnissartik siunertaralugu nunanut allanut nuukkallarsimasut Inatsisartunut qinersinerni qineraseqataasalernissaasa sulissutigingasuarnissaat pil-lugu Naalakkersuisut peqquneqarnissaannik Inatsisartut aalajangiiffigisassaattut siunner-suut.**

(Inatsisartunut Andreas Rene Uldum, Demokraatit)

### **Tungavilersuut**

Inuusuttorpaaluit Kalaallit Nunaat qimallugu nunanut allanut ilinniariarlutik nuukkallartarput. Inuusuttut taakku Inatsisartunut qinersinermut atatillugu qinersisinnaatitaanertik pigiinnartarpaat, taamaakkaluartorli kommunimi angerlarsimaffimminnit qinersisinnaasut allattorsimaffiannit pe-erneqartarput. Inatsisartunut qinersisoqassatillugu taamaasilluni ilinniartup nammineq kommu-nerisimasani qinnuigisariaqartarpaa qinersisinnaasut allattorsimaffiannut ilanngukkusukkuni imallunniit allattorsimaffianniiginnarusukkuni. Ukiut marluk qaangiukkaangata periuseq uteqqinneqartariaqartarpoq.

Ilinniartup qinersinissap nalunaarutigiginissaa sioqqullugu malittarisassat ilisimangippagit taa-maasillunilu qinersinissamut suaaruteqarnerup kingorna aatsaat allassimalernissaminik qinnu-teqartoq, qinersinermi qinersisinnaatitaanissani ajornartorsiutigilersinnaavaa. Qinersisinnaassa-gaannimi piumasagaataavoq, ulloq qinersivissaq sapaatip akunnerinik arfinilinnik sioqqullugu qinersisinnaatitaanerup aalajangiiffigineqareersimanissaa.

Taamaattoqarnerata kalaallit Danmarkimi ilinniagaqartut qinersisinnaasut amerlassusaat qular-nanngitsumik sunniuteqarfigisarpaa, tamannalu ajuusaarnarpoq. Atorfissaqartipparput kalaallit ilinniagaqartut nunagisamik avataanut nuukkallartut Kalaallit Nunaannut soqutiginninnerminnik akisussaaqataanerminnullu misigisimanerisa aalajangiusimaneqarnissaa.

Taamaattumik ilinniartut aamma Kalaallit Nunaata soqutigisariaqarpaa sapinggisamik akorngu-sersuutaasinnaasunik pilersitsiortunginnissarput qulakkeerlugulu kalaallit ilinniartut Inatsis-artunut qinersinerni qinersisinnaajuarnissaat.

Periarfissanut ilaavoq sapaatip akunnerinik arfinilinnik periarfissaqartitsinerup allanngortinnis-saa taamaasiornikkullu ilinniartut qinersisinnaasut allattorsimaffiannut ilannguttarnissaanut peri-arfissanik pitsanngorsaalluni, qinersinissap nalunaarutigineraniik.

Periarfissaq alla tassaavoq ilinniartut qinersisinnaasut allattorsimaffianniiginnartinniarlugit eqqaasitsillaqqissinerunissaq aallarlutik nuunnerannut atatillugu tamatumalu kingorna ukiut mar-lukkaarlugit. Tamanna pisinnaavoq nuuttumut quppersakkamik nassiussinikkut oqaluttuullugu

qinersisinnaasut allattorsimaffianniiginnarnissaminut periarfissaanik ilanngullugu tassunga atatil-  
lugu qinnuteqaat immersugassaq.

Aamma takorloorneqarsinnaavoq ilinniartut Kalaallit Nunaata avataaani ilinniarniartut ilinnia-  
gaqarnersiutisiaqalerniarlutik qinnuteqarnerannut atatillugu krydsiliillutik nalunaarutigisarsin-  
naavaat qinersisinnaasut allattorsimaffianniiginnarusunnerlutik.

Tamakku periarfissat qallerlugit nittartakkani soorlu Sunngu.gl-mi, avalak.gl-mi Kalaallillu Il-  
lutaanni paasissussiisoqartarsinnaavoq.

Periarfissat pingajuattut eqqarsaatigineqarsinnaavoq, malittarisassat allannortinnissaat, taamaa-  
silluni qulakkeerlugu ilinniartut Kalaallit Nunaata avataanut nuukkallarsimasut qinersisinnaasut  
allattorsimaffianniiginnarnissaat nammineerlutik peerneqarnissartik kissaatigisimangippassuk.

### **Pisortanut aningaasatigut allaffissornermut suunngittuaqqamik sunniteqarumaartoq naatsorsuutigineqarpoq.**

Siunnersuut allaffissornermut suunngittuaqqamik sunniteqarumaartoq naatsorsuutigineqarpoq.

Namminersorlutik Inuutissarsiorunut aningaasatigut allaffissornermut suunngittuaqqamik sunniteqarumaartoq naatsorsuutigineqarpoq.

Siunnersuut allaffissornermut suunngittuaqqamik sunniteqarumaartoq naatsorsuutigineqarpoq.

### **Innuttaasunut aningaasatigut allaffissornermut suunngittuaqqamik sunniteqarumaartoq naatsorsuutigineqarpoq.**

Siunnersuut allaffissornermut suunngittuaqqamik sunniteqarumaartoq naatsorsuutigineqarpoq.

Taamatut aallarniutigalugu oqaaseqarlunga neriuppunga siunnersuut ilassilluarneqarumaartoq,  
qilanaarpungalu Naalakkersuisut akissuteqarnissaannut taamatullu partiit allat saqqummiussas-  
saasa tusarnissaannut.